

Velike izmjene u Zakonu o trgovini

Uređuje: Mag. Michael Warzecha

Poštovane čitateljke i čitaoci!

Tema, koju obrađujem u ovom broju Novog Glasnika može biti posebno interesantna za poduzetnike, koji svoju djelatnost obavljaju u formi personalnog, odnosno društva kapitala, kao i za poduzetnike iz obasti male privrede.

Vjerovatno ste već ponešto načuli o tome, da će od 1.1.2007. doći do značajne reforme Trgovačkog zakona (*Handelsgesetzbuch*), koji će se u buduću nazivati Zakon o poduzetništvu UGB (*Unternehmensgesetzbuch*). Osnovno težište budućih zakonskih reformi u ovom pravcu odnosi se na društva lica i malu privredu (vlasnici radnji, lica koja vrše određene usluge u privrednom prometu i sl.).

Cilj ovog članka je da čitaoci steknu osnovnu predstavu UGB, tj. o Zakonu o poduzetništvu, kao i novinama koje sa sobom donosi ovaj, kao i da se napravi poređenje sa sadašnjim zakonom. Vrlo značajnu promjenu imamo u oblasti male privrede i mogućnosti slobodnog odlučivanja poduzetnika zbog pitanja da li da se registruje u registru kod nadležnog privrednog suda? Da li je pojedinačni poduzetnik obavezan da se registruje u sudskom registru, ovisiće shodno novom zakonu isključivo od visine ostvarenog prihoda. To znači da će, stupanjem novog zakona na snagu, svi poduzetnici, čiji godišnji prihod prelazi cifru od 400.000 eura biti obavezni da se registruju kod nadležnog suda. Kao što vam je sigurno već poznato, do sada se mali privrednici (vlasnici radnji i td.) uopšte nisu mogli registrovati kod suda. U buduću će i ova lica, čiji godišnji prihod prelazi navedenu sumu, biti registrovana kod suda i to pod svojim imenom i prezimenom i uz oznaku „e.U“, tj. *eingetragener Unternehmer*. Poduzetnici iz oblasti male privrede, čiji prihod ne prelazi iznos od 400.000 eura slobodno odlučuju da li će se upistai u sudski registar. To znači da imaju mogućnost slobodnog izbora da li da se registruju kod suda. Nadalje dolazi i do promjena vezanih za obavezu dostavljanja godišnjeg obračuna privrednom registru, jer će po stupanju novog zakona na snagu i lica iz obasti male privrede morati izvršiti ovu dostavu, ukoliko im godišnji prihod prelazi sumu od 400.000 evra.

Kako se poduzimači u oblasti male privrede do sada uošte nisu mogli upisivati u privredni registar, to će mnogi poduzetnici iz ove branše biti obavezni da se od 2007. god. sudski registruju, ukoliko im prihod prelazi navedenu visinu. Od obaveze registracije izuzeti su ugostitelji i lica koja se bave slobodom profesijom (određene uslužne djelatnosti).

Mišljenja sam da će ovom zakonskom izmjenom posebno pogođeni biti trgovci, jer se u ovoj oblasti nerijetko ostvaruje izuzetno visok prihod.

Novi zakon donosi značajne promjene također i kod personalnih društava. Primjera radi, nestat će iz prometa KEG (komaditno proizvodno društvo) i takozvana OEG (otvorena proizvodna društva). To znači, da se od 1.1.2007. neće više moći registrovati KEG i OEG, nego će ona automatski preći u KG (komaditno društvo), odnosno OG (otvoreno društvo). Smatram da ovakva liberalizacija zakona neće izazvati posebne poteškoće u praksi, tako da će značajan broj KEG, biti preregistrovan u KG. Ukidanje KEG i OEG već se duže vrijeme iščekivalo, jer su obje forme osnivanja preduzeća vremenom postale arhaične i staromodne. Stupanjem na snagu novog zakona, izvršit će se automatski preregistracija onih firmi, koje su do tada bile registrovane kao KEG i OEG, tako da, po mom mišljenju, provođenje ove zakonske izmjene u praksu ne bi trebalo da dodatno optereti poduzetnike. Jedini problem, koji će se pojaviti u praksi, je promjena imena firme (pri tome mislim na propratne radnje vezane za prezentaciju firme u prometu).

Značajnu izmjenu imamo u oblasti vođenja knjigovodstva. Ukoliko KEG (u budućnosti KG) ostvaruje prihod preko 400.000 eura, društvo je obavezno da vodi knjigovodstvo i sačinjava obračun, odnosno završni račun, čak kada u daljem poslovanju dođe i do poslovnih gubitaka. Također do velikih promjena doći će i kod otvorenih društava (OG), koja se bave trgovinom kao osnovnom djelatnošću.

Primjera radi, novo OG je ovlašteno da se pored trgovine, bavi i neprofitnom djelatnošću (društvenim radom). Uvođenje putem novog zakona mogućnosti bavljenja neprofitnom djelatnošću u skladu, uticalo je na to da su se KEG i OEG pokazali kao kočnica u privrednom prometu, te je stoga i došlo do njihovog ukidanja. Također i u oblasti društava građana, koja do sada nisu mogla biti registrovana, doći će do značajne promjene. I ova će se društva morati registrovati, ako ostvaruju prihod iznad 400.000 evra.

Sve do sada navedene promjene neće se morati odmah sprovesti u djelo, tj. svaki poduzetnik, ili društvo, koji u jednoj godini ostvari prihod iznad 400.000 evra neće biti obavezan da se odmah registruje u privrednom registru. Obavezu registrovanja imaju oni poduzetnici, odnosno društva, ukoliko u dvije godine uzastopno ostvare prihod preko 400.000 evra. U ovom slučaju obavezna su pravna lica da privrednom registru dostave i dvogodišnji obračun. Primjera radi, ako određeni poduzetnik, ili društvo, ostvari u 2007. i 2008. godini prihod iznad 400.000 evra to je privrednik obavezan da sačini obračun, odnosno završni račun tek u 2010. godini. Poduzetnik, koji ostvari u određenoj godini prihod preko 600.000 evra automatski je obavezan i da sačini obračun za tu godinu.

Po pitanju razlike između OG (otvorenog društva) i KG (komaditnog društva), kod OG (slično kao kod nekadašnjih OHG – otvorenih trgovačkih društava) određeni članovi društva garantuju za obaveze društva neograničeno, dakle svom svojom imovinom, dok kod KG (slično kao i kod KEG) najmanje jedan član društva, tzv. komandist garantuje za obaveze društva određenom imovinom (npr. određenom nekretninom), što znači da ostatak imovine ostaje i nadalje njegovo privatno vlasništvo. Značajna izmjena, koju donosi novi zakon, ogleda se u tome, da će komandisti garantovati svom svojom privatnom imovinom za obaveze društva do visine kapitala društva, upisanog u sudski registar. Za sve dugove društva, koji prevazilaze registrovani kapital društva u sudskom registru, komandisti nisu odgovorni.

Sva društva, koja sam pomenio u tekstu i koja su unesena u sudski registar, obavezna su da u poslovnim pismima, internet-prezentacijama, kao i u drugom oblicima poslovnog prometa, naglase, da se radi o društvu, koje je upisano u sudski registar (tako što će stajati e.U., OG, odnosno KG), nadalje kod kojeg privrednog suda, kao i broj pod kojim je firma upisana u sudski registar.

Želio bih da naglasim, da sam ovim tekstom pokušao da sažeto predstavim promjene, do kojih će doći stupanjem na snagu novog zakona (UGB) od 1.1.2007. Kako je ovaj zakon poprilično dug i sveobuhvatan, prirodno je da nisam u tekstu mogao da obradim sve promjene, koje će u privrednom prometu donijeti novi zakon. Tekstom sam samo htio skrenuti pažnju privrednicima na to, da se trebaju pripremiti na predstojeće promjene, tako da bi bilo dobro da se u 2007. obrate advokatu, u kojeg imaju povjerenja, kako bi se informisali, kako i u kojoj mjeri će se zakonske izmjene odraziti na njihovo poslovanje, kako bi blagovremeno poduzeli odgovarajuće korake. ■

Mag. Michael Warzecha
Rechtsanwalt/Advokat

**SAVETOVANJE NA VAŠEM
MATERNJEM JEZIKU**

- Pravo boravka
- Radno pravo
- Stambeni/Vlasnički odnosi
- Privredno pravo (osnivanje firmi u Austriji i domovini)
- Porodično pravo (razvodi, usvajanja i sl.)
- KRIVIČNI POSTUPCI

Stubenring 4, A-1010 Wien
Tel. +43/1/513 95 66
Fax. +43/1/512 59 46